

Mecledomiusim episcopum aut præsentia nostra adesse debet, aut consensus. Quam rem valde admiratos nos gloria vestra cognoscet, quod primum sine jussu gloriissimi domini principis nostri, filii vestri Theudoberni regis, cuius sumus regni ordinatione subjecti, injungitis, ut ea quæ anteacto tempore facta non sunt, nunc præsentia nostra aut consensu debeat inchoari. Præcipue nunquam nec suspici, nec credere potimus, quod hanc aut ordinem nostro, aut etiam temporibus vestris vellent injuriam generari, ut diocesum nostrum a Deo nobis commissam, et usque nunc pontificali ordine Deo proprio custoditam, tanquam negligentes ac desides ad alterius permittamus potestatem transire, aut sollicitidinem irrationali deliberatione transferri. Unde salutantes digno ac debito in Deo charitatis affectu, rogamus et contestamur, ne ullus pontificum contra statuta Patrum audeat facere, unde possit, synodali examinatione convictus, de illicita præsumptione culpari. Illa **1329** tamen vestris delecte fieri, Deo inspirante, temporibus, unde et pax inter sacerdotes esse possit, et plebs non permittatur a pastoris proprii custodia per novam et illicitam ordinationem divelli. Custodite, quæso, statuta Patrum, et canonum severitate constricti, non patiampini, sicut scribitis, ad petitionem ejus plebis, superstitie proprio sacerdote, alterum episcopum ordinari. Quia si hoc petunt, quod nefas est credi, desertores potius judicandi sunt quam fideles. Et non eorum preces facile audiri debent a principe, quorum petitionibus potius generentur scandala, quam pax Deo amata servetur. Quia sicut beati sunt pedes pacem portantes, ita et hoc dictum est, per quos venit scandalum. Qui si fortasse ob hoc alterum episcopum sibi fieri rogant, quia nos, interclusi itineribus, ad eos nec visitatorem mittere possumus, nec venire, ista culpa nos non respicit; quia si iter a vestra parte, sicut optime nostis, interclusum tanto tempore non fuisset, quamvis senes aut infirmi, populum nobis ecclesiastica disciplina commissum requirere potueramus, aut certe visitatorem, sicut canones statuunt, destinare. Nam Gloria vestra optimè debet et credere et scire quia si contra statuta canonum quicunque episcoporum sine consensu nostro Mecledomius episcopum voluerit ordinare, usque ad papæ notitiam vel synodalem audiendum, tam hi qui ordinaverint, quam qui ordinatus fuerit, a nostra erunt communione disjuncti. Leo Christi servus suscripsi.

INCIPIT EPISTOLA CLEMENTISSIMI ET BEATI REGIS NOSTRI CHILDEBERTI, DATA PER ECCLESIAS SACERDOTUM, VEL OMNI POPULO .

(Ex ed. Et Ms. Corb.)

Credimus hoc Deo proprio ut ad nostram mercendem, et ad salutem populi pertinere, si populus Christianus, reliciam idolorum culturam, Dei, cui integrum promisimus fidem, in quantum inspirare dignatus fuerit pure deservire debeamus. Et quia necesse est ut plebs, quæ sacerdotis præceptum non ita ut oportet custodit, nostro etiam corrigatur imperio, hanc chartam generaliter per omnia loca decrevimus emittendam, præcipentes, in quicunque admonti de aper suo, ubiunque fuerint simulacra constructa, vel idola demoni dedicata ab hominibus facta, non statim abjecerint, vel sacerdotibus hoc destruentibus prohibuerint, datis fidelijsoribus non aliter descendant nisi in nostris obtutibus presententur. Qualiter in sacra legos Dei injurya vindicetur nostrum est pertractandum, et quia lides nostra ut verbo de altario sacerdote faciente quecumque de Evangelio, prophetis vel Apostolo fuerit annuntiatum, in quantum Deus dat intellectum, ad nos querimonia processit multa sacriegia in populo fieri, unde Deus iudicatur,

* Vide sancti Gregorii Historiam Francorum, lib. iv, cap. 20. Ed.

A et populus per peccatum declinet ad mortem, noctes pavigiles cum ebrietate, securitate vel canticis, etiam in ipsis sacris diebus, Pascha, Natale **1330** Domini, et reliquis festivitatibus, vel adveniente die Dominicano balsarices per villas ambulare. Hæc omnia unde Deus agnoscitur laedi nullatenus fieri permittimus. Quicunque post communionem sacerdotum, vel nostro præcepto sacriegia ista perpetrare presumperit, si servilis persona est, centum iactus flagellarum ut suscipiat jubemus. Si vero ingenuus aut honorarius fortasse persona est districta inclusione digna, sunt hi autem in pénitentiam redigendi, ut qui salubria et a mortis periculo revocantia audire verba contemnunt, cruciatus saltē corporis eos ad desiderandam mentis valeat reducere sanitatem.

Constitutiones a subsequentibus regibus factas habet tomo I Capitularium regum viri clarissimi Stephanii Baluzii.

B

FORMULE ANTIQUÆ.

(Ex tom. iv Anal. Mabillon.)

Formula solemnis de doce. — Illic est testamentum, quarto regnum domini nostri Childeberto reges, quod fecit missus ille Chestantus. Cum juxta consuetudinem Andecavensis civitatis, curia publica resederet in foro, ibique vir magnificus ill. prosecutor dixit: Rogo te vir laudabilis ill. defensor, ill. curator, ill. magister militum, vel reliquum curia publica utique obticis [codices] puplicis patre joleat s. quia babeo quid apud acta prosevere debiam. Defensor pri cipalis simul et omnis curia publica dixerunt. Parenti tibi cotecis puplici, prosequere que optas. Obedire illa per mandato suo pagina mihi injunxit, ut prosecutor existere deberit, qual ter mandatum, quam in dulcissimo jocali meo ill. sici pro omni causationis suas, tam in paco, quam et in palacio, seu in qualibet loca accidere faciat illa porciones meis, quem ex alete parentum meorum ei legibus obvenit, vel obvenire debit, aut justissime ei est reddebetum. Econtra parentis suis vel contra cujuslibet hominem accidere vel admallare seu et liticare facias inspecto illo mandato, quem in dulcissimo joco ali meo ill. sici, gestis municipalibus adlegare debeam. Curia vero dixerunt: Mandato quem tibi habere dicis, accipias vir venerabilis ill. diaconus et amanuensis. Ill. prosecutor dixit: Rogo dominum meum omnibus puplicis, ut sicut mandatum istum legebus cognovistis esse factum, ut datum, quem pre manus tenio, vobis praesentibus in foro publico jobeat recitari. Curi vero dixerunt: Dolem quem te dicis pre manibus retenire, ill. diaconus et amanuensis Andecavensis civitate nobis praesentibus accipiat relegendum, quo accepto dixit.

Mandatum. — Domino mihi jocali meo ill. rogo adque supplico dulcissima gratia vestra, ut ad vicem meam omnis causationis nostris, tam in pago quam et in palacio, seu in qualibet loca accidere faciat, et illas portiones nostras, quem ex alete parentum meorum mihi legibus obvenisse vel obvenire debit, aut, justissime nobis est reddebitum, hæc contra **1331** parentis meus, vel contra cujuslibet hominem, accidere vel admallare, seu adliticare faciat, et quidquid exinde ad vicem nostram egeris, feceris, gesseris, etenim me habituum esse cognoscas, rectum. Juratum mandatum Andecavensis civitate, curia publica.

Cessio. — Dulcissima et cum integro amore diligenda sponsa mea, filia ill. nomen ill. ego ill. Et quia proprio Domino juxta consuetudinem una cum voluntate parentum tuorum sposavisti, proinde cido tibi de rem paupertatis meæ, tam pro sponsalitatis, quam pro largitate tue, hoc est casa cum curie circumcineta, mobile et immobile, silvas, pratas, pascuas, aquas, a quaerunve decursibus, juncis et subjuncis, et in omnia superior nominata, tu dulcissima sponsa mea ad die silicissimo nupciarum tibi per hanc ces-

sione dilego adque transfundit, ut in tute jure hoc recipere dibeas. Cido tibi bracile valente solidus tantus, tonenes tantas, lectario ad lecto vestito valente solidus tantus, inaures aureas valente solidus tantus, annulos valentes solidos tantos. Cido tibi caballus cum sambuca et omnia stratura sua, boves tantus, vaccas cum sequentes tantus, ovis tantus, solidis tantus. Hæc omnia subscripta rem in tute jure et domenacione hoc recipere debias, vel posteris tuis, si inter nos procreati fuerint dereliquentis, salvo jure sancti illi, cuius terræ esse videatur. Et si fuerit ultro umquam tempore, qui contra hanc cessione ista, quem ego in te bona voluntate conscribere rogavi, aut ego ipsi, aut ultus de heredibus meis vel propinquis meis, aut qualibet homo vel extranea, aut emissa persona venire voluerit, aut agere vel repetere præsumperit, ante lite ingressus duplet tibi tantum, et alio tantum, quantum cessione ista contineat, aut eo tempore meliorata voluerit, et repetitione sua non obtinat effectum: et hoc cessione ista atque voluntas nostra omni tempore firma permaneat: Post hæc curia ait: Se adhuc aliquid abis ex hac causa, aut agere debias, dic tu in presente. Illi, prosecutor dixit: Gratias agemus magnitudine vestra, quod dotem sua scripta, quem prosequitur, gestis municipalibus ut habuit caretas vestra alterasse..... fecisse vobis ex more conscripsit.

Alia cessione. — 2. Quod bonum faustum sit, lex felicitatis ad satis adserit, et lex Romana edocit, et consuetudo pagi consentit, et Principalis potestas non prohibet, ut tam pro se intercedentem, quam ad die silicissimo nuptiarum obtabile evenientem. Id circa ego in Dei nomine, illi, nomen, ante proscripto ad sponsam meam, nomen illa, filia illius, transcribo ad ipsa per hanc epistola atque cessione, hoc est causa cum curte etc.

Item cessione. — 3. Dulcissima etc. Ego illi, filius illi, dum non habetur incognitum qualiter te secundum legem Romana sponsatam visus sum habere etc. habebas concessum dum adixeris perpetualiter ad usum fructuario ad possedendum etc.

Judicium. — 4. Veniens homo nomen illi, ante venerabile 1332 vir illi, abbate, vel reliquis viris venerabilibus adque magnificis, quorum nomina subtus tenuntur inserti, interpellabat aliquo hominem nomine illi, quasi servitium ei redeberit; et illi taliter de præsente aderat, et hoc fortiter denegabat quod servitium numquam redeberit. Interrogatum fuit ipsius illi, de sua agnitione alius homines in suum servitium habebat an non: et ipsi illi, taliter locutus fuit ut hoc non redeberat, nam ipsi illi, servitium ei non redeberat, at de agnatione aut de comparato ut hoc inter se intenderent ut dum ipsi illi, alius homines de sua agnatione non redeberat. Sic visum fuit ipsius abbati vel quibus in eus aderant, ut ipsi homo apud homines XII. manu sua XVI. in basilea domine illius in noctis tantis conjurare deberet, quod de annis XXX. seu amplius, servitium ei nunquam redeberat. Se hoc facere potebat, ipsi illi, de hac causa contra ipso illi, compascere deberit: sin autem non potuerit hoc immendare studiat.

Sacramentum. — Notitia sacramenti, qualiter vel quibus praescribibus ingressus est illi, apud homines tantus ingenuos super altare illi. Andecavis civetate, pro eo quod hominem nomen illi, ipso pro servitium interpellabat ad vicem genetore suo, seu et generatrice sua. Juratus dixit, juxta quod judicium ex hoc loquitur, per hanc loco sancto et divina omnia quod hic aguntur de annis XXX. seu amplius sub ingenuitate nomen resedi, nam et ipsi superiorius nomenatus servitium non rededi, nec redebio pro reverentia loci. Id sunt quorum praesentia.

5. *Aliud.* — Item notitia sacramenti.... Juratus dixit: Per hunc loco sancto et divina omnia sanctorum patrocinia, qui hic requiescant etc.

(a) Ibid., lib. vii, cap. 23.

FATROL. LXXI.

A 6. *Aliud.* — Breve sacramenti... in basilea domine illi. Juratus dixit: Per hunc loco sancto et divina omnia quod hic aguntur, que hic Deo plenus offeruntur, unde mihi homo, nomen illi, interpellabat, eo quod caballo suo surassit etc.

7. *Solsadia.* — Notiti solsadii qualiter vel quibus presentibus illi, homo placerum suum attendit. Andecavis civetate Kalendas illi, per judicio industri illi, comite, vel auditores suis ac contra homines his minimis illi, et illi, vel genitrici eorum nomen illi, una cum abunculo eorum illi, dum dicerit quod si aliqua feminæ nomen illi, genetore eorum nomen illi, pro maleficio eum interfecisset. Qui ipsi jam superiorius (a) non menati placet eorum legebus a mane usque ad vesperum visi fuerunt custodi-se. Nam ipsa femina nec ad placetum advenit, nec missa ad persona addirexit, qui soma rediuerit, propter ea necesse fuerit predictis hominibus ut hanc notitiam bonorum hominum manibus roboratas prosequere deberent, qualiter ei visi sunt fecisse.

B 8. *Appennis.* — Quicunque ad latrunculos sceleratibus, seditionis seu incendiariis in qua provincia vim aut damnum pertulerit, oportet hoc eidem electores civium seu Curiales provincie, 1333 in qua perpetratum fuisse perhibetur, palam ostendere, et publica denuntiatione manifestare. Igitur cum pro utilitate Ecclesiæ vel Principale negotio apostolicos viri illi episcopos, neconon ei inluster vir illi comes, in civitate Andecave cum reliquis venerabilibus atque magnificis reipublicæ viris resedit, ibique veniens homo, nome illi, palam suggesteret seu casa sua in loco nuncupante illo, homines advenient, et ostendit sua frigissen, vel res suas, aurum, argentum, specieis, vestimenta, fabricatoris suas, vasa ærea, vel reliquias res quæmplies, cum instrumenta cartarum vinditionis, cautionis, cessionis, donationis, doti, compositionis, consultationis, commutationis, pactis, convenientiis, securitatibus, vacuaturis, iudicis et notitiae, oblationes vel reliquias res quæmplies, quam longum est per singula ministrare, ad furtis causis deportassent. Unde per ipsas cartas pluras terras post se dicere venditum, et in crastinum locale accessione una cum bonas extraneas personas viciniis circa manentis in ipso loco manibus eorum roboratas accessisse: et ob hoc cognita relatione ante suprascriptus senioris praesentabant ad relegandum, per quem ipsum seniores cogoverunt, quod ipsa causa taliter acta, vel perpetrata fuisset, dum taliter diligenter inquirere videtur sub lectum fuit ad ipsas bonas straneas personas viciniis circa manentes, qui bene optime ex hoc comperti aderant, quid exinde cognoscibant, veraciter enarrare deberent, se ipsi homo taliter probuerunt testimonium: ut inspecta illa epistola quem illi praesentabant, sua denuntiatione veraciter concordabant. Dum sic in omnibus devolgata claruit si suprascriptus pontifex et ipsi coni, vel qui cum eo aderant, denuntiaverunt ipsius illi, ut quicquid per annorum spatia de eo tempore usque nunc recte et legaliter possederat, in antea absolve principe negotio, recte tramis, testata lego servit, res suas ipsi aut heredis sui tenire et possidere faciant. Et pro presente et futura tempora convenit, ut hanc cartola, qui vocatur appennis, praefatorum seniorum, vel reliquorum civium eorum in uebus roboratas acciperet, affirmare deberet. quod ita et fecit: ita ut duo appennis coequalis ex hoc affirmatus accipiat, unum, quem ipsi apud se retineat; et aliud quem in foro publico suspenditur. Facto appenni.

D 9. Incipit epistola quem pater et mater facit in filio. Licit unicuique de rebus suis, quas in presenti et saeculo habere videtur, tam ad sancta loca seu parentum meliorare, et lex manet, et consuetudo longinquæ percurrit facere quod voluerit. Idcirco ego in Dei nomine illi, et cogive mea illa dulcissima, et à nobiscum integra amore diligendo filio illo. Dumi in

omnibus et per omnia, et super totum nobis fideliter servire videris multas penurias et injuras per diversa loca pro nostra necessitate suscepisti; et in utilitate Dominorum partibus Britanici seu Wasconici hostiliter ordine ad specie mea fuisti: proinde convenit nobis ut aliquid de facultatis **1334** nostrae lemeliorare debererit. quod ita et fecerunt. Ergo transcrivimus tibi etc.

10. Notitia [de Matrimonio servorum] Notitia qualiter ill. et ill. Non habitur incognitum qualiter servus nomen ill. ancilla ad ill. nomine ill. extra voluntatem ad conjugium se conjunverunt, sed modo nos una pacis concordia convenit, ut de agnatione, qui de ipsis procreati fuerint, ill. ad ancilla sua duas partes recipiat, ego et ill. ad servo suo ill. tercia, et quod ipsi aliquid stante conjugio convenerunt ill. servo suo de ipso peculiare duas partes recipiat: similiter et illa ad ancilla sua illa tercia. Proinde ut in postmodum nulla alteratio inter nos non debeat esse, ut manus nostra exinde per duas epistolam uno tenore conscriptas facere deberimus, quod ita et fecimus, et pro rei totius firmitate modo adfirmavimus, ut nec nos ipsi nec ullus de heredibus vel de propinquis nostris, aut militans stranea persona, qui contra istas epistolam venire voluerit, ad dupla pecunia teneatur obnoxius, et illa petitio non obtiniet effectum, et has conventias inconcuso et inconvolso teat firmata.

DE LEGIBUS FRANCORUM.

(Ex Capitul. Baluz.)

Theodoricus rex Francorum, cuius esset Catalaunis, elegit viros sapientes, qui in regno suo legibus antiquis erudit erant. Ipso autem dictante jussit conscribere legem Francorum et Alamannorum et Bajuviorum, unicuique genti, quæ in ejus potestate erat, secundum consuetudinem suam. Addidit quæ addenda erant, et improvisa et incomposita reservavit; et quæ erant secundum consuetudinem paginorum, mutavit secundum legem Christianorum. Et quidquid Theodoricus rex propter vetustissimam paganorum consuetudinem emendare non potuit, post hæc Childebertus rex inchoavit, sed Clotarius rex perfecit. Hoc omnia Dagobertus rex gloriosissimus per viros illustres Claudium, Chaudum, Indomagnum, et Agilulfum renovavit, et omnia vetera legum in melius transtulit, et unicuique genti scripta tradidit, quæ usque hodie perseverant. Hoc decretum est apud regem et principes ejus et apud cunctum populum Christianum, qui infra regnum Merwungorum consistunt.

EPISTOLA SYNODI ARVERNICÆ AD THEODEBERTUM REGEM.
Ut clerici alioqui qui regum aliorum dominio subjacent, possessionibus quas in ejus regno jure obtinent non fraudentur.

Domino illustri atque præcellentissimo domino et filio Theodeberto regi, Honoratus, etc., episcopi. Dum in Arverna urbe ad replicanda canonum instituta, vel studio elucidandæ legis ecclesiasticæ, his **1335** qui dubitatione regendæ vita propriae forsitan premebantur, cultores vestri, ecclesiarum vestrarum episcopi pariter sederent, plurimorum ad nos suæ desperationis remedium flagrantium turba confluxit, sperantes, ut non minus pro regni vestri felicitate quam pro sua consolatione pietatem vestram nostra humilitas exoraret, et per suggestionem nostram justitiam et pietatem vestram suribus intimaretur, ut nullum de rebus vel possessiunculis propriis alienum pietas vestra permitteret, et dum unius regis quisque potestati ac dominio subjacet, in alterius sorte positam, cujuscunque, ut assulet, impetione non emitteret facultatem. Quod nos de vestri culminis justitia et pietate fidentes, non credimus denegandum: ut dum plurimorum necessitatibus justa, ut credimus, et Deo placente suggestione consulimus,

A propteritatem regno vestro et representationem celestis Domini per indultam pietatis gratiam augeatis. Unde reverentissime, ut dignum est, supplicantem quæsumus, ut hoc nostræ petitioni diuina intulta pietas vestra non deneget, ut tam rectores ecclesiarum quam universi clerci, atque etiam sacerdotes, sub regni vestri conditione manentes, nec non ad dominorum regum patrum vestrorum dominium pertinentes, de quod in sorte vestra est extraneos, de quod habere proprium semper visi sunt, non permittatis existere, ut securus quicunque proprietatem suam possidens, debita tributa dissolvat domino, in cuius sortitione possessio sua pervenit. Quod et thesauris vestris omnino utilius esse censemus, si per pietatem vestram salvata possessio consuetudinaria intulerit functionem; et nos peculiarius vestra clementia consolator, si obtinuimus hujuscemodi petitionis nos quoque Celsitudo vestra fecerit gratulari.

EXCERPTA EX EPISTOLA AURELIANI EPISCOPI ARELATENSIS AD THEODEBERTUM REGEM^a.

(Ex Freh. et Chesn.)

Domino inclito et ubique gloriosissimo atque in Christo piissimo domino et Filio, Theodeberto regi Aurelianu episcopos. Licet tam sera scriptorum officia justissime trepidatio comitetur, tamen nequam reor sermo evasa offensione judicabitur, si apud aures clementiae sola tantum devotione animi perpendatur. Hinc præcipue quod ambientibus cunctis Celitudinem vestram, nec metum trahat ex privilegio culminis, nec repulsam metuant de prejudicio tarditatis. Vestra enim erexit ita solennis est, ut etiam humilium amore tangatur, ac dignitatum cumulum onerata fastigia vernularum adhuc rudium primitivis cultibus presumantur. Novis namque nunc studiis in obsequia religiosi principis informamus, et cum testimonio perfecte dilectionis ad praesentiam sacrae mentis admittimur. Haec ergo ex parte amoris nostri fiduciam, princeps optimè, metieris, cum ministeriis tuis nec terru pro tarditate subtrahimur, nec vercundia pauperis ingenii refraudamur. **1336** Suscipe igitur benigne devotionis studio tirocinia lamulant et grevias venie largioris expande supplicibus. Quia cum omnes generaliter bono cordis incliti perfruantur, nos tamen etsi exigua portio obsequi vestri, plenitudinem nobis principalis indulgentiae ad integrum vindicamus. Etenim cum de te loquimur, adest gratia etsi eloquentia deest, et solo ornatui nostro materia sufficit, quanquam doctrina non adsit. Quia cum ita sint præclararam indolem laudis vestre votis potius celebro quam litteris. Quoniam semper quæ suot maxima, conscientiam potius requirunt quam linguam, digniusque committuntur pectoris judicio quam sermonis. Ac perinde non mibi in votis hoc commemorandum est, quod tempora celebrant, sed quod æternitas probat, etc.

EPISTOLA THEODEBERTI REGIS AD JUSTINIANUM IMPATOREM.

(Ex Freh. et Chesn.)

Domino illustri et præcellentissimo domino et patri Justiniano imperatori Theodebertus rex. Theodorus vir expectabilis cum Solonem veniens pariter litteras, quas imperii vestri clementia destinavit, integra animi charitate et devotione suscepimus, quia cum de nobis curam geritis, sic latius per diversas gentes atque provincias Dei amatam amicitiam propagamus. Id vero quod dignamini esse solliciti in quibus provinciis habitemus, aut quæ gentes nostræ sint, Deo adjutore, ditioni subjectæ, Dei nostri misericordia feliciter subactis Thuringis, et eorum provinciis acquisitis, extinctis ipsorum tunc temporis regibus, Norsavorum gentis nobis placata majestas colla subdidit, Deoque proprio Visi-

* Vide sancti Gregorii Historiam Francorum, lib. iii, cap. 25, notamque / col. 261. Ed.